

凤台县志卷之二十

杂志

唐柳宗元滴龙说扶风马孺子言年十五六时在泽州□
群儿戏郊亭上顷然有奇女堕地有光灿然被缣裘□
纹之里首步摇之冠贵游少年骇且悦之稍狎焉女瓶
尔怒曰不可吾故居钧天帝宫下上星辰呼嘘阴阳薄
蓬莱羞昆崙而不即者帝以吾心侈大怒而滴来七日
当复今吾虽辱尘土中非若俚也吾复且害若众恐而
退遂入居佛寺讲室焉及期进取杯水饮之嘘成云气

鳳臺縣志

卷之二十

杂志

一

五色脩脩也因取裘反之化为白龙徊翔登天莫知其
所终亦怪甚矣呜呼非其类而狎其滴不可哉孺子不
妄人也故记其说

隋梁彦光性至孝七岁父遇笃疾医云饵五石可愈时求
五色文石紫石英於太行山不得彦光忧悴不知所为
於园中见一物不识持归即紫石英亲属咸异之

孙盛魏春秋曰黄初元年文帝愈崇宫殿雕饰观阁取白
石英紫石英及五色文石於太行穀城之山起景阳山
於芳林园树松竹草木捕禽兽以充其中於是百役繁

兴帝躬自掘土率群臣三公以下无不展力

金季文人多以四字为别号如洪洞进士乔辰号为莲峰真逸与泽人秀寂散人安巖锦溪渔隐张瑾清溪道人孙昶题名峡山石壁又有路元称东山散人即李庄靖俊民亦称鹤鸣老人盖一时风气使然安巖张瑾孙昶三人不见金史而乔辰自山阳来约游青莲寺必其同年友否亦为知名士惜无可考

半塘闲笔

剡溪野语欧阳修为河北转运使到泽州先见刘羲叟於陋巷中羲叟时为布衣尚未知名也后荐之於朝今集

鳳臺縣志

卷之二十

杂志

二

中有举刘羲叟劄子缴进刘羲叟春秋灾异奏状

治平中泽州人家穿井土中见一物蜿蜒如龙蛇人畏之不敢触久之见其不动试摸之乃石也村民无知遂碎之时程伯淳为晋城令求得一段鳞甲皆如生物盖蛇

蜃所化如石蟹之类

书漫录

北齐神武帝自队主转为函使尝乘驿过建兴云雾昼晦雷声随之半日乃绝若有神应者

北齐书

武平末安德王高延宗即帝位於晋阳建年德昌与周师战为周所虜先是高都郡有山绝壁临水忽有墨书见

云齐亡延宗洗视逾明后主使人就写改亡为上至是

验焉

北齐书

文房四谱有造瓦砚法人罕知其妙向时有著作佐郎刘羲叟者尝如其法造之绝佳砚作未多士大夫家未甚有羲叟物故余尝得其二一以赠刘原父一余置中书

阁下尤以为宝也

考古录

寿皇赐宰执宴御前杂剧妆秀才三人首问第一秀才仙乡何处曰上党人问次日泽州人问三曰湖州人又问上党秀才汝乡出甚生药曰某乡出人参次问泽州者

鳳臺縣志

卷之二十

杂志

三

曰出甘草又问湖州者曰出黄蘗如何湖州出黄蘗最是黄蘗苦人当时皇伯秀王在湖州湖州故有此语寿

皇即曰召入赐第奉朝请

贵耳录

宋时州买羊敛民出钱吏胥滋扰为害沁水令杨仲元更其令使户费钱百遣人市羊他所於山中牧放羊大蕃息按年以纳不科一钱而民不扰

沁水志

张翥仲举肢体昂藏行则偏竦一肩韩介玉以诗嘲之云垂柳阴阴翠拂簷倚阑红袖玉纤纤先生掉臂长街上十里朱楼尽下簾坐中皆失笑或曰仲举病鹤形也时

有相士在座曰不然此雨淋鹤耳雨霁则冲霄矣后□

大都致位通显

续前定录

金天兴二年乌林答胡土出募榜人为救驾军泽人缉□
觜武录事等皆不逞之徒也行至数十里即肆劫掠召

归鞭之人皆窃笑

金史

崔公度伯易自号曲辕先生作太行山赋以太行近时忌
改作感山赋裴煜得之献魏公未及品藻示永叔永叔
题其后曰司马子长之流也魏公因荐其文英庙欲擢
以馆职魏公言未见其人之贤否召与语未为晚也后

鳳臺縣志

卷之二十

杂志

四

数日伯易与友人会话坐上忽齋浩身至乃授伯易颖
川防御推官国子监直讲荆公尝云感山赋不若明珠

赋

刘延世谈圃

狄仁杰登太行山亲在河阳反顾白云孤飞谓左右曰吾

亲舍其下瞻怅久之云移乃得去

苏氏家话

明袁柳庄琪子忠彻世其术亦缘父得侍太宗先是燕王
尝一日宴耿讞景清及三司官密令忠彻行酒相之宴
彻告王曰宋忠年五十四面方五大身短气昏张昺年
三十六面方五小行步如蛇谢贵年三十一拥肿早□

而气短俱主刑祸景清身矮声雄耿漱颧骨插鬓色如
飞火皆凶相后永乐起兵诸公悉死难

金李庄靖俊民墓在崔庄北有李姓售於田家掩其碑垦
为田余屡购之不可得或云李姓非庄靖嫡派考元世
祖在藩邸连以令旨徵俊民以侄孙仲修为后必俊民
当日无子村居者皆其旁支也有心者苟能访知其处
为封墓竖碑使李姓一人奉其祀亦敬礼前贤之盛举
也

半塘
闲笔

段长官直墓志刘静修先生因所撰书志与元史合辞不

鳳臺縣志

卷之二十

杂志

五

溢美书法似柳公权杂兼八分大书深刻凜然有生气
儒者之笔正自不凡直子绍隆墓系清苑郭文宪贯作

志书文亦佳

半塘
闲笔

朱衣鸟出泽州形如瓦雀毛羽类丹砂善鸣张希周携归

陈继儒以为即古之赤鷁也

州志

晋水涧行类闽越而悍浊怒号特甚虽步可越处辄起涛
头作澎湃源至高故也夏秋间为害不细以无堰塌之
具尔予行三晋诸山间尝欲命缘水之地聚诸乱石傲
闽越间作滩自源而下审地高低以为疎密则晋水皆

利也有司既不暇及此而晋人简惰亦复不知所事甚为可恨闽谚云水无一点不为利诚然亦由其先有豪杰之士作兴后来因而修举之遂成永世之乐故予谓闽水之为利者盈科后进晋水之不为利者建瓴而下

尔

燕闲录

明田时雨官彰德府通判隶人与洛川王翊镡府人争瓜而殴时雨捕王府人赵王厚煜为和解不得会宗室数十人索禄时雨以宗室殴官白於上官上官会知府传海励尽捕名府厚煜忽恚且愧自缢死厚煜子成皋王

鳳臺縣志

卷之二十

杂志

六

载垞疏闻於朝下法司按问时雨弃市

明史

明宗室大滌子济题画跋桃朱朮紫芹生阴厓陂池近水石边状类赤芍药叶深绿背甚赤茎似荞麦花红可喜结实亦似糝荞麦味苦涩涩其汁可以煮雌制永伏砂禽黄号起贫草他方颇少太行王屋诸山最多

有人题太行石壁云太行千里连芳草独酌一杯天地小醉卧花间人不知黄莺啼破春山晓

陈说岩相国廷敬说其乡有兄弟皆为名卿而其孙愚驢不知书家以中落至持银碗乞食於市而不悟银可易

米人家子弟不读书者可以为戒因书示子孙辈云

廿分

余话

康熙三年四月东乡人诱豫客至家谬为盟夜半约同入市贸布行草径推入智井复下砖石听之声声皆中日初升行人闻井中有呼救声且曰我早行失足者绳上讯其故当集众缚凶诣公吐实问布客则云初下见亡祖抱井旁坎中其砖石中牛皮上耳官怒立毙杖下

州志

浪井村李卫公祠万历丁酉年碑云白石先生以为卫公

歇马之处

鳳臺縣志

卷之二十

杂志

七

北大社有唐李卫公庙明天启三年覃怀贾复碑谓卫公过此众辑而弗扰民居德之既去立庙孤峰凡疫灾旱患禱则辄应又按唐人小说公射猎山中宿一朱衣家夜半叩门急一妇人谓之曰此龙宫也帝符行雨二子皆出欲奉烦何如命乘驄马系一小瓶戒曰马蹶地嘶鸣取水滴马鬃上一滴水三尺慎无多也既而雷掣云间连下十馀滴是夕平地水三尺后世祖其说而传之泽土多旱社人亦有为而为之或曰公三原人尝偶一过此耳

王弇川碧落碑跋云絳州碧落碑篆书在石像背州将以不便摹搨别刻置庙中今本乃别石耳李璿之辈以为陈惟正李譔李瓘书不可辨据洛中纪异录称刺史李譔为母房太妃追荐造像成忽一道士来云君刻石须篆书乎我天下之能篆者李异之听所为则扃户三日乃开化一白鹤飞去篆文宛然像背矣此涉诞妄不可信然李阳冰览之七日而不忍去习之十二年不成其妙如此岂惟正譔瓘小子所办乎字书杂出颀籀钟鼎款识以故与斯本小异聊识之以俟知者 按今碧落

寺有金明昌五年泽州刺史许安仁碑云唐韩王元嘉三子黄公李譔为母妃房祈福石刻弥勒像磨崖篆碑后刺絳州又刻天尊像磨崖篆碑文异而篆同皆譔一笔书也宋刘羲叟仲更恨未通识会修唐书携楮本之局因宋子京始能尽通贻泽守宋选从子敏求隶书刻石州麻欧公集古录及弇州跋皆永悉此故於絳州别石互有指名今泽州碑已燬壁有篆刻七字系小篆隶书五言古四言赞后云乡贡进士中辅奉父詹命而作其姓氏年代莫考内又有魏孝昌唐武后万岁通天时

二小记疑此寺非元嘉始建或元嘉增修之耳

半塘
闲笔

元贾鲁书取裁於晋而气骨苍稳绝去近世佻巧之态昔人谓元人书法有复古之功岂不信然郡城明道祠贾鲁撰记书法亦佳系以郡守南鹏翼或系贾鲁自书而

借名於鹏翼与

半塘
闲笔

明天启间泽州司马当涂张一跃以其厅事右屋有古槐围可一丈五尺中空而不枯谓其折巨枝不伤屋瓦从而神之越十二年滇南张大为至又以其欲撤屋折枝而压覆亦从而神之各有记石刻槐亭壁上

府志

鳳臺縣志

卷之二十

杂志

九

张福在后周时为泽州刺史入宋守城拒李筠筠破其城杀之福与筠同为周臣李筠起义不得曰叛贼张福殉

城亦不得谓烈士

半塘
闲笔

铜钟铭后唐李嗣昭所范旧在开元寺今移元妙观即宋天庆观也上书昭义军节度使泽潞磁邢洛等州观察处置使开府仪同三司检校太傅兼侍中潞州大都督府长史上柱国陇西郡开国公食邑一千五百户李嗣昭新铸泽州开元寺神钟记夫晨钟夕梵文二音於鸞峰惠日法流转双轮於鹿苑是以恩霑万类化备千鱼

闻之者解脱湮沦制之者恢宏福祚我府主侍中德推
贤德明洞英明勋业至隆政绩弥厚一自镇临兹府□
暇修崇绵历岁时坚营胜事昨於龙兴寺亲垂植度大
建鸿炉开宝库而捨俸金徵哲匠而铸神器不移两月
之内新旧获钟四口各馀万斤内一口缘泽州元无化
铜至府缺就陶钧可表金石至坚人人合契声流九地
遐宣厚缺之恩韵彻三天远播曾旻之德晓群生於觉
路缺庶品於迷途並勒铭文芳传不朽伏愿侍中万代
康宁法界缺同霑此福时天祐十一年七月十三日
元见

鳳臺縣志

卷之二十

杂志

十

妙观钟

宏农郡君杨氏李嗣昭之妻也嗣昭於晋称天祐十一年
七月范钟泽州开元寺纪功祈福杨氏先於是年六月
登峡石山题诗掷笔台云此山霭霭通云烟峭壁嵯峨
势分绵丹水流衍曲如带风皱罗纹听管絃莺啼花开
入禅意掷笔台前梵呗宣遥想当年无遮会纷纷散落
雨花天考杨氏善蓄财嗣昭三世皆赖以济今复以诗

著且据此以证晋取泽州年月

峡山石刻

宋治平三年明道程先生来令晋城建乡校七十二处社

学数十所陈迹竟莫可考惟凤台城西北乡地名书院

村有明天启问石碣书古书院三字盖先生设教地也

前守访求村镇有文庙者六处五门巴公有雍正十二年重修碑记

大阳东明正德三年进士裴爵碑记大阳西明天启五年碑记来村一名凤栖乡有

康熙四十年碑记李村等里疑为乡校旧趾其实遗漏尚多如

四义郜村高都周村府城河东七岭店三家店均未之

及故特为表之以俟考古者节录府志

明末流贼破河内时县令丁泰运骂贼被害所乘马甚骏

贼将骑入县至堂下大嘶人立狂逸不可制竟跳掷以

鳳臺縣志

卷之二十

杂志

十一

死知州徐芳贊曰本自可生亦知无责悼此倾崩忍忘

驱策彼肉则糜我心斯石是马是人大河以北府志

泽之盐筴本清严康熙四十二年忽有梟徒李奎俊姬八

等聚众至九十余人劫各县盐店十三处械石击伤官

弁弊捕七人后擒获骈诛者至二十二愚民胁煽遂猖

披溃决与官府仇守城戒严如遇大敌幸以渠魁丧元

梟党分散习用器凌渐流不靖不可不预为防也府志

雍正五年间州人靳广入白莲教长子县张冉公党冉公

每思劫掠富室继有济源县卜者翟斌如至以术数煽

惑广遂弃张依翟同谋不轨适魏智盗机先发广党遽尔肆行横暴约日聚集群逆起事会以大雨失期官弁先发以次就擒斩翟斌如靳广等六人於太原西市王君禄等八人盐候拟斩胁从及株连者多所矜宥其教有弥勒佛白莲等名斋公斋母等目皆喫菜事魔法断荤酒身被黄衣布散黄符朝夕礼拜病不服药其葬亲不择地唯教主指示即掘土瘞埋所诵经咒有立天后会等书外人不能纤记互相煽惑大为民害泽阻山负险每易藏奸司牧者宜严以禁之勿令左道惑众也

府志

雍正十年六月十二日秋泉里宋二海山等纠率七村居民千餘人围黄河村言茹聚珍妻卫氏生下旱魃抱儿出验並無带破而人多语杂必欲淋浇旱婆将卫氏易穿孝服抬置下河泼浇冷水拆毁房屋各持鎗銃狂呼泽地多旱每逢祈雨辄妄指生儿残缺及墮地即死者为旱魃其产母必将冷水淋浇多致产后受伤身死聚众横行愚民恶俗殊骇听闻

府志

泽郡五属皆山高土瘠耕者以积粪为壅灌计每见居民契券皆载粪池几区坑屋几所一有不均攘臂结讼其

俗习如此高平生员祁轼家因淘粪坑吴起凤等连毙三命高平令因洗冤录不载粪毒一条疑案株连竟以毆弊通报嗣委凤台罗著藻检验三尸並無伤痕惟牙根骨青黑色忤作念供坑积冬粪至春夏秋三季毒气鬱蒸墮坑被触最易毙命盖粪水臭气极猛入口即死不在粪之深浅凡中此毒者皆牙根骨青黑也上下唇吻发青不比中他毒死皮肉起炮骨殖青黑也闻诸土人解毒法先用栢叶焚烧并投栢木片入坑可辟臭毒又高平魏庄有豫民张敏等贩猪为业因小猪误落粪

坑二客下坑捞救皆中粪毒殞命验其牙根骨青黑色上下唇吻发青与吴起凤等同是粪毒杀人较他毒尤甚二案显然书此借考並宜添入洗冤录以清疑狱

府志

唐时韦道安少读儒书壮岁学武略善骑射尝自天井入太行见道旁叟痛哭欲投涧死问之言向为刺史年老告归贼掠其囊 人被掠欲归不能惟有死耳道安谕慰之即驰骑尾贼所至见贼方争二女道安怒发一矢殪其渠魁群贼以次就缚尽获其所掠财物並二女以归护之出山刺史欲纳女为妾道安拒不纳疾驰而去

后为军官累立战功

柳子原诗

宋宣和间进士浩天泽子温仕金为进义校尉今凤台无浩姓据郃村崇寿寺金天会年碑记云浩村似属讹浩作郃否则居民多郃姓因易其名也村外有二古墓形如冈阜土人相传为浩先生墓亦曰浩将军墓浩先生或系天泽将军或系温亦未可知惜无碑碣可考

半塘闲笔

明茹太素官江西布政使时有崔永字彦龄海盐人七岁丧父母韩改适同邑桑慎慎为御史坐事滴海南攜韩从军永既长思母徒步求之誓不见母不归行次琼州

鳳臺縣志

卷之二十

杂志

十四

得焉会慎殁力请母归所司以配属无放还例不遣永恸哭入京哀请於朝许之复赴海南迎母舟遭风永入水负母母得活永感寒疾客死江西茹葬之邮致其母

归

携李诗注

山谿阨墓形格势禁若晋之柳树口拦车驿碗子城天井关太行大小口沁口此胥海寓名险人所晓共而明人曾涕唾弃之不甚惜则奚怪乎和龙滑盐兴中大定会州开平杂谷鱼通沉黎等地之胥外隶也春秋日郑弃

其师予亦日明弃其险

存研楼文集摘录

马体孝一名旷迂介好读书应童子试为学使夏公挺芝所知益自负手抄口诵日夜不辍为诗多率易人或讽以格律神韶不屑也屡试不得志遂病狂易弃家游塞上远及齐楚吴越到处纪以诗贫困至乞食终不悔行乞至宿迁市上有负钱者散落满地群丐争取体孝去不顾犬随而吠遂求肆中笔墨题一诗云拙性从来似野牛手攜竹杖到江头筠篮背月悲残夜歌板临风唱晚秋双足踏穿尘世路一身卧遍古荒邱从今不复傍门户蹠犬何须吠不休自题曰翁恒遂死道傍宿迁令

鳳臺縣志

卷之二十

杂志

十五

得诗甚怜其才表墓曰翁恒逸人之墓並和原韵刻石墓所至今过者留题无虚日邑有贸易宿迁者听其语操西音且悉其面目共以为体孝不谬云

半塘闲笔

泽隶河阳三城上党南蔽昭无泽不敢东庄无泽不敢西西燕无泽不敢南宗正无泽不敢北太行天井俱此最险左高都右阳阿省入一郡田则负葵书则盘谷其中学者牛毛公乡辈出上文言专百城者相望宗房亦可择而易之有乱问祝公道无乱问刘羲叟亲台之所有

无易此者矣

毕西北与胡载仁书

通商宜潞读书宜泽力田则宜长子以言乱所必争泽长

子冲於潞以言乱所易避泽潞又便於长子

西北文集

濩泽风土完厚人质直而尚义在宋有国时俊造辈出见於黄鲁直季父廉行县之诗风俗既成益久益盛迄今带经而耒者四野相望虽闾巷细民亦能道古今晓文理为子求师莫此州为宜

元好问郝先生墓铭

金李俊民遭甲戌之变乙亥秋七月南迈时侄谦甫主河南福昌簿迎至西山侨居厅事之东斋小学师商君祥投诗索和顷刻间往回数十纸谦甫曰一鼓作气未可

鳳臺縣志

卷之二十

杂志

十六

敌姑坚垒以待侄婿郭鸿渐曰可以单师挫其锐刀出百字题请赋以酬之遂信笔而书殊无意义副其徒孙男乐山示之三曰不报谦甫笑曰五言长城不复敢攻也君祥於是携酒来乞盟大会所友极欢而罢

见李庄靖诗集

明季泽州宗正鱼猎乡民特甚崇正十年四月群乡民揭竿而起持刃持挺入城与宗室讐杀日以数千计署州事靳司李复鼓煽之几至燎原绅士出而解纷数日始

得粗安

苗中丞年谱

明季南城时震俗谓之城叫有童谣曰今也叫明也叫一

叫叫来箇翻山鷓崇正五年高杰破泽州降明后至十四年复奔泽州其言果验翻山鷓杰之浑名也府志

凤台多母姓他处所无宋有推官母湜与范仲淹为友金有进士母彦伦与许安仁相唱和又有母益之母受之等见庄靖诗集近年有举人母作霖或其后也半塘闲笔

凤台向有地方支应陋规坊厢轮充其役懦者苦於赔累每至荡析家私黠者好为科敛或且鱼肉乡里郡守姚公自乾隆己亥守郡首惩其弊永行禁革士民感戴刻其事於石公名学瑛号梅园山东鉅野人见碑记

鳳臺縣志

卷之二十

杂志

十七

松岭寺慈氏阁藏绣法华经序传唐时处女守贞不字发愿绣法华经刺至四卷端坐化去历唐宋元明千餘年至 国朝民人张世清妻郭续成全部唐绣如名人法书无间可指郭所续绣则未免有鍼纫之迹矣半塘闲笔

珏山青莲寺有西藏贝叶真经寺僧不善珍藏为蠹鱼所蛀简帙错落不可译石门杂著

阳曲傅徵君山以神医名兼善书画与朱明府三才稳至交尝书画屏幅各十二页书兼四体画如八大山人□出画家畦町之外十年前余曾於三才裔孙处见之多

已无存

半塘
闲笔

佟牧国珑妻王氏有应变才佟一日入太原州民忽欲为
变丞尉皆畏缩不敢出王出坐头厅以祸福谕之侃侃

数语事遂靖

蒋清容
诗注

丹水出丹水岭及秦坑赵卒血流成丹之说酈道元水经
注已辨其谬矣余尝访其源流自二仙掌四义巴公高
都迤迳而行见地多赤坟水冲土丹乃知丹水之名固
有自也至白水逕行山皆沙石土属白壤水以白名亦
非无据而云然也

半塘
闲笔

鳳臺縣志

卷之二十

杂志

十八

刘仲更羲叟墓在高都镇外无碑碣可考镇多刘姓以绩
麻为业自言系仲更后裔亦无家藏遗书余尝亲至其
地访求遗迹蔓草荒烟间辄流连不忍去

石门
杂著

太祖征李筠西京留守向拱迎谒至汜水言於上曰筠逆
节久著兵力日盛陛下宜急济大河踰太行乘其未集
而诛之缓则势张难为力矣上从其言卷甲倍道趋之
筠果率兵南向闻车驾至惶骇走泽州城守遂见擒
李筠叛吴廷祚白太祖曰潞城崑险且阻太行贼据之
未易破也筠素勇而轻若速击之必离上党来邀我战

犹兽亡其藪鱼脱於渊因可擒矣以廷祚留守东京兼判开封府筠果领兵来战泽州南其众败走 李筠叛命李崇矩率龙捷骁武左右射禁军数千人屯河阳以所都攻大会砦拔之斩首五百级改泽潞南面行营前军都监与石守信等同破筠众於碾子谷及平泽潞遣崇矩先入城收图籍视府军 李筠镇上党募亡命多为不法渐倔强难制检校太尉张美度筠必叛阴积粟於怀孟间后筠果叛太祖亲讨之大军十万出太行经费无缺美有力焉 太祖征李筠高防为潞州东北路

计度转运使泽潞平拜尚书左丞 蔡审廷授殿前散都头指挥使从征李筠攻泽州先登为飞石伤足太祖赐以良药美酒及车驾还京幸其官署问之赐赉甚厚 太祖征李筠张勋从石守信董前军拔太会砦败筠众於太行破泽州勋与有功 张晖从征泽潞为行营壕砦使先登陷阵事平迁华州团练使建隆二年太原未下诏入覲问计晖对曰泽潞经李筠之叛疮痍未复军旅一兴恐人力重困不若戢兵育民俟富庶而后为谋乃赐裘衣金带鞍勒马令还朝 建隆初太祖亲征

泽潞迁郭进本州防慰使充西山巡检 康再遇为龙捷指挥使从太祖征李筠死於兵诏以其子保裔代父职从石守信破泽州 王审琦宋初擢为殿前都指挥使领泰宁军节度从征李筠为御营前洞屋都部署为飞石所伤车驾临视泽潞平改领武成军节度 罗彦环从太祖平泽潞还命代赵彦徽为侍卫步军都指挥使领武信军节度 骁武副指挥田绍斌从崔彦进征李筠攻大会砦破之又败筠於泽州茶碾村筠退保泽州绍斌凿壕围守流矢中左目杀筠军益众夺其铠甲

宋初征李筠筠退保泽州城固可守攻之未克太祖诏马全义赐食御榻前问计对曰筠守孤城併力急攻立可殄灭倘缓之适足长其奸耳太祖曰是吾心也即麾兵急击之全义率敢死士乘城攀堞而上飞矢贯臂血流被体全义拔镞临敌士气益奋遂克其城 袁继忠以父任补右班殿直太祖平泽潞讨并汾悉有力焉 崔翰宋初迁御马直副指挥使从征泽潞 建隆初征泽潞命边光范为前军转运计度郑洛汝孟怀芻粮 宋李至擢著作郎直史馆会征太原命督泽潞芻粮

累迁右补阙知制造 魏丕宋开宝末领代州刺史几
典工作十馀年讨泽潞等州太祖皆先期谕旨令修葺
器械无不精办 马令琮太祖时充先锋都指挥使泽
潞平为昭义兵马钤辖 太祖征晋阳石曦领兵二千
人自泽潞除道至太原壅汾水灌其城解晖宋初为步
军都头从征泽州力战目中流矢师还为内外马步军
副都军头 徐兴隶御龙直会平泽潞上其功补控鹤
军使

宋史

中村西有段氏始祖墓坟垆高如冈阜地多荆葛俗名棕

鳳臺縣志

卷之二十

杂志

二一

子墓盖以树名也考段氏望出武威隋时徙河南泽与
河南接壤在泽者系迁自河南无疑从古多显人如唐
季司户参军约神山令昶后晋希尧宋思恭皆名见於
史惜无碑碣其昭穆次序不可稽

考古续录

金末泽多诗人如姚亚之史正之杨成之史显忠李巽之
司马景仁任仲山李鑑臣刘巨川郝君祥姚升王子荣
张汉臣李广之李舜举孔安道刘伯祥李子楷李唐杰
史邦直窦君瑞王德华焦彦昭等百馀人皆从李庄靖
游迭为唱和或以名著或以字行其科名出处无考

见鹤

鸣老
人集

唐欧阳钜詹之子为刘正记室正欲谋逆諫不从引病家
居后平泽潞以正常诋毁乘輿出自钜手无妄被法士

论冤之

旧唐书

金恒山公武仙为天井关戍兵所杀临漳主簿李孝纯以
诗哀之辑古录中已辨其非矣李庄靖亦有和王子荣
悼恒山韵云功名人比汉淮阴猛虎俄因犬辈擒星落
旄头兵似火营屯细柳士如林岂期虞虢乖唇齿漫倚
良平作腹心洒尽英雄忧国泪变风那得不伤今子荣

鳳臺縣志

卷之二十

杂志

二二

原唱不传附载孝纯句云金鼎冥冥座已迁将军忠勇
力扶颠井关未度星先落神策潜挥剑不前一把骨随
秋草朽千年名有此山传作诗脍炙行人道留为他日

太史传

石门杂著

金皇统左秘去思碑云自随开皇三年为州迄皇统三年
共五百六十一载中之为刺史者门著勋闕有若燕公
于顓上特眷委有若赵公王琚文皇介弟有若韩王元
嘉密王元晓清约得民和有若伊娄谦明洁称良牧有
若长孙顺德彼杨德榦虽有威名不见称述

见碑记

□州文献载宣宁王隰川王列传云明宣宁王隰川王皆代王支子也代王桂初封豫洪武二十四年改封代王大同建文时废为庶人永乐靖难后复之稍不自检与其子逊料逊焞褻衣冠行市袖锤斧伤人上闻之遗书戒谕王亦悔逊料王第七子正统二年册封宣宁郡王初建大同府城天顺四年徙泽成化六年卒溢靖庄靖庄王第六子仕羸八年封宏治四年卒溢和僖和僖王第二子成铭七年封正德五年卒溢恭安恭安王长子聪灏六年封嘉靖七年卒溢康靖康靖王子俊相十五

年封隆庆五年卒溢昭荣昭荣王子充灿万历八年封十八年卒溢温简无子推宗人俊榛管理府事 代简王第十子逊璆正统七年册封隰川郡王初建大同府城天顺五年徙泽八年卒溢懿安懿安王子仕燧成化二年封十一年卒溢恭僖恭僖王子成钧十五年封二十年封溢庄隐庄隐王第二子宏治七年封正德十三年卒溢康肃康肃王子俊栢嘉靖九年封三十四年卒溢庄惠庄惠王无子推宗人俊欐管理府事卒隆庆间推俊格管理府事免万历间推俊袂管理府事卒万历

间推充倅管理府事

四州文献

泽多古迹如王氏锦堂在东城马氏东篱在城西张氏肯堂临清堂春温轩心远斋靳载之园亭俱见李庄靖诗今皆不可考别有柳溪在西郭金宋雄飞与吕华尝同

游者或云即小山泉

石门杂著

金李庄靖俊民兄弟六人俊民最幼与诸侄谨甫谦甫齿相若承安五年登第后尝有榜后寄侄谨甫诗云万轴牙籤未足多十年辛苦短檠歌敢忘奕世箕裘业忽玷清朝甲乙科我已梦君三举后君如输我一筹何二疏

鳳臺縣志

卷之二十

杂志

二四

此去人方识名字先应报大罗

鹤鸣老人集

凤台县志卷之二十终

